

۱ آغستوس
۱۳۳۶
الی
۱ تشرین تانی
۱۳۳۹

تاریخ عثمانی انجمنی

اون برنجی سنه
الی
اون اوچنجی سنه
نوسرو
۶۲ : ۷۷

مجموعه سی

بروسه ده کی تر به لریمزده غیر مکتوب کتابه لر

بروسه ده زمان زمان وقوع بولان حرکت ارض لرله، یاغینلردن طولانی اما کن خصوصیه ایله مبانی عمومی و قضیه دن، از جمله تر به لریمزک نه قدر ضرر دیده اولدقلری مستغنی ایضاحدر .

بوکی حادثات طبیعیه به هدف اولان سلاطین و شهزادگان حضرتانک تر به لرنده کی مرقدلر اوزرینه موضوع لوحه لر ، یا یامش ، یا خود تخریب ایدلمش اولدینی کی ، آره صره اجرا ایدیلن تعمیر لرده موجود لوحه لر قونولدقلری یرلردن ، اشارت ایدلمیه رک قالدیرلمش و بعدالتعمیر طوبیدن اعاده قلنه رق ، تر به دارلره تسلیم ایدلمش ، اونلرده کلیشی کوزل مزارلره قویملشدر . بو تدقیقاتله ثابت اولمشدر . شوراسی ده شایان قید و تذکاردرکه ، اکثریسی مرمر صندوقه لی اولان مزارلره بدایه مدفونک هویتنی ناطق لوحه لر قونولدینی کی ، ثابت اوله رق حکده ایدلمه مشدر . بوسبیله ، خاندان آل عثماندن یک چوغنک اسم و هویتلری مجهول قالمشدر . حالبوکه ، تر به لرده بعض معین و معروف ذواتدن ماعدا ، اسم و هویتلری هنوز مجهولمز یک چوق ذواتک مرقدلرینی کورسورز .

محرر عاجز . کرک مأموراً ، کرک زیارت مقصدیه بروسه ده بولندینغ زمان ، یومهم قصائی نظر دفته آله رق پیری زاده ابراهیم یک افدینک اوقاف ناظرلنی زماننده (۱۳۳۳) استحصالی ایلدیکم برامر رسمی اوزرینه محلی سجلات شرعیه

وقفیہ سی اوزرنده تمب آور تدقیقات نتیجہ سنده ، تاریخ مزده شمعی قدر مذکور اولیان و بناء علیہ مجهولمز اولان خاندان آل عثمانہ منسوب بعض شہزادہ و سلطانلرک ہویتری اظہار و تثبیتہ موفق اولدم . بو تدقیقاتم اثنا سنده تر بہ لردہ محفوظ اولدینی حالہ نہ علاقہ دار مأمورلرک ونہدہ تر بہ دارلرک نظر لرینہ تصادف ایتہ مش و ثائقدن ازجملہ ، مصاحف شریفہ و تعبیرنامہ کی آثار قدیمہ مکتوبہ دن خیلی مفید نتائج استحصال ایلدم . مثلاً ، شہزادہ سلطان مصطفی بن سلطان سلیمان قانونینک تر بہ سندنہ کی مرمر صندوقہ لردن بری اوزرینہ کلیشی کوزل یا بیدیریش علی العادہ برکاغد پارچہ سنے فنا بر خط ایلہ محرر (بلبل خاتون) عبارہ سی حقندہ تعمیق تحقیقات ایلدیکمده ، بونک او تر بہ یہ قانونلش بر تعبیرنامہ نک خاتمہ سندنہ عبارات آرسندنہ (بلبل خاتون) عبارہ سنک یا کلش بر تلقیب نتیجہ سی اولہ رق تحریر ایلدیش اولدینی آکلانلمشدر . حالبوکہ ، شہزادہ مصطفی بن فاتح سلطان محمد خان تر بہ سندنہ محفوظ محفظہ تکریم اولان (حیدر بن احمد الحائیساری) خطیلہ محرر مصحف شریفک خاتمہ سندنہ بو کلام قدیمک ، بلبل خاتون بنت عبداللہک اوغلی « الملک الرشید والبر الشہید والسلطان السعید سلطان احمد بن سلطان بایزید » تر بہ سندنہ او قوموق واصلا طیشاری جیقارلماق اوزردہ وقف و حبس ایلدیکی مذکور و مصرح اولسنہ ، وشہزادہ احمدک من القدیم شہزادہ مصطفی بن فاتح سلطان محمد تر بہ سندنہ کو سترلسنہ بناء ، کلام قدیمک قانونی شہزادہ سی سلطان مصطفی تر بہ سنے یا کلش قونولدینی اکلشیلدرق اصل وقف و حبس ایلدیکی تر بہ یہ و بلبل خاتون لوحہ سنک دہ عین شاد سلطان تر بہ سنے نقلی اجرا قلمشدر .

مجهولات جملہ سندن اولنہ رق ، تاریخ مزده هنوز اسعی و ہویتی مذکور اولیان (ماہ دوران) سلطان کہ ، قانونی سلطان سلیمان خانک شہزادہ سی شہید سعید سلطان مصطفانک والددسیدر ، انک دہ ہویتی (۱۰۸۱) تاریخنی وقفیہ یہ نظرأ سلطان مصطفای جدید تر بہ سندنہ مدفون اولدینی تحقق ایتسنہ بناء ، مدفون تعیین ولوحہ سی تحریر قلندی . [قیود وقفیہ : سنہ ۹۸۹ ، سجل نومروسی ۲۱ ، صحیفہ : ۱۰۳]

سالف الذکر شہزادہ مصطفانک قونیہ ارکلیسندنہ (۱۲ شوال ۹۶۰) دہ شہید ایلدیکی معلوم اولدیغنے بناء ، آشاغی بہ درج ایتدیکمز عتقنامہ دہ کی « ماہ

دوران سلطانتک بوندن اقدم فوت اولدقدن صوکره ... ، تعیرندن سلطان
مشارالیهانک اوغلندن اول وفات ایتدیکنه حکم ایدرز .

جتتمکان قانونی سلطان سلیمان خان حضر تترینک شهزاده سی ، سلطان
مصطفی نك والده سی ماه دوران سلطانتک عتقنامه سی

حجة بروسه حیت عن النحوسه ده آسوده اولان فخرالشهداء زخرالسعداء
مرحوم مغفور علیه رحمة الملك المغفور سلطان مصطفى خان طاب ثراه حضر تترینک
بوندن اقدم محکمه مزبورده فوت اولان والده سی مرحومه مغفوره الدارجه
الی رحمة الملك المنان حضرت (ماه دوران سلطان) اسکنها اه فی الدارالجنان حال
حیاتنده جمیع عبدینک اعتاق و تحریرن وصیت ایدوب فوت اولدقدن صوکره
خليفة الزمان مادمراوقات الامن والامان سلطان السلاطين برهان الملوك الملة والدين
مالك رقاب الامامه العظيم والسلطان الزاهر وارث علامت الكبرى كابرأ عن كابر
مستحدف اصحاب السيف والقلم حجة الحق على كافة الائم يادشاه عالمناه و خداوندكار
ظل الله ادامة الله سلطنته وايد دولته الى غاية الدوران ونهايت الزمان حضر تتری
ورانتلری حسیله وصیت قبول ایدوب جمیع عبدینک عتق و تحریر ايجون صدقه
و عنایت بیوردقلری امر شریف واجب الشریف کسه مضمون میمون سعادت
مقروننه اتباعاً و امثالاً اشبو اورته بویلو ، آچق قاشلی و کوزلری اوستنده
و بوغزنده و ایکی ائده اثر جراحی اولان نوی الاصل سنبل آغا بن عبده که
واورته بویلی آچق قاشلی اوست دوداغنده اثر جراحی و بوغزنده وصول قاشنک
اوستنده اثر جراحی اولان یامینی الاصل ریحان آغا بن عبده که و دیگر اورته بویلی
آچق قاشلی وصول یوزنده اثر جراحی اولان ماندن الاصل اسمعیل آغا ابن
عبده که و دیگر اورته بویلی آچق قاشلی قولقلری کسک بطی الاصل مرجان آغا
بن عبده که و دیگر اورته بویلی صاری شین آچق قاشلی الا کوزلو بوسنوی الاصل
حسن بن عبده که و دیگر اورته بویلو چتق قاشلی الا کوزلو حیظی افرنجی اصل
رضوان بن عبده که و دیگر اورته بویلو چتق قاشلی بیاض شکل بوسنوی الاصل
اهل دل بنت عبده که و دیگر اورته بویلو قاره قاشلی قاره کوزلو یوزین جیچک

بوزمش ابازہ و یۃ الاصل سنی سہا بنت عبدہ کہ و دیگر اورتہ بویلو الا کوزلو
 صول الک بلکنہ یقین اثر جراحی اولان ماجرن الاصل فرحشاد بنت عبدہ کہ
 و دیگر اورتہ بویلو کوك کوزلو آق بکزی چکسن آلتندہ اثر جراحی اولان
 روسیۃ الاصل عابدہ بنت عبدہ کہ و دیگر اورتہ بویلو بیاض چقور کوزلو قارہ قاشلی
 یوزی اوزرندہ اثر جراحی اولان بو سنویۃ الاصل پروانہ بنت عبدہ کہ و دیگر
 اورتہ بویلو آچق قاشلی قرہ کوزلو دوداغی اوزرندہ صول طرفندہ بیکی اولان
 چرکیۃ الاصل امینہ بنت عبدہ کہ و دیگر اورتہ بویلو کوزی کوك یصی قاشلی
 بغدادی اگلو ابازہ و یۃ الاصل ہایون بنت عبدہ کہ و دیگر اورتہ بویلو کوك کوزلو
 صول یوزینک اوستندہ یارہ سی اولان روسیۃ الاصل زینب بنت عبدہ کہ و دیگر
 اورتہ بویلو آچق قاشلی آق بکزی روسیۃ الاصل شا کرہ بنت عبدہ کہ و دیگر
 اورتہ بویلو آچق بغدادی اگلی قرہ کوزلو بوغزی آلتندہ اثر جراحی اولان
 چرکیۃ الاصل قر بنت عبدہ کہ و دیگر اوزون بویلو بیاض کوك کوزلو صاغ
 قاشی اوستندہ یارہ سی اولان یوزینک صول طرفندہ بیکی اولان چرکیۃ الاصل
 خرید بنت عبدہ و دیگر اوزون بویلو کوك کوزلو صول کوزینک قویروغی
 طرفندہ اثر جراحی اولان روسیۃ الاصل دلربا بنت عبدہ کہ و دیگر اورتہ بویلو
 چاقر کوزلو صاغ قولندہ اثر جراحی اولان قاشی اوستندہ اوچ بیکی اولان
 روسیۃ الاصل ماہ پیکر بنت عبدہ کہ و دیگر اورتہ بویلو قرہ یغز صاری الا
 کوزلو صاغ یوزندہ اثر جراحی اولان آچق قاشلی روسیۃ الاصل فرحشاد بنت
 عبدہ کہ بو جملہ نک بر موجب امر عالی عتیق و تحریر لرینہ حکم اولنوب تسجیل
 اولندی کہ سایر احرار اصیل الحر و حرہ اولوب و وثیقہ انیقہ علی ماہوا الجمعیہ بر
 سیل تمسک کتب و ثبت اولنوب صورتی ید طالبہ وضع اولندی :

شہود الحال

فخر المدرسین مولانا علاء الدین	فخر السادات سید قاضی ابن	فخر الاقران علی بیگ
ابن قابیل المدرس	سید حفتر متولی مرادیه	امین احتساب
فخر الاقران علی بیگ	فخر الامائل والاقران شاہ چاوش امین خاصہ خرج	
بواب سلطانی مباشر	حاجی چلبی ابن حاج مصطنی	

سنان بك بن عبده مصطفي بن خيره حسين چلبی ابن رمضان
امين میزان كتخدای بزاز ستان

فخرالامجد واکارم حضرت مصطفي افندی محمد بيك بن
دفتری سابقا مصطفي

فخرالکتاب محب چلبی بن مخلص خواجه شجاع بن موسی
کاتب عمارت مرادیه حریری

فخرالاقران محمد چلبی ابن خواجه ستان فخرالکتاب محمود چلبی ابن
کتخداء بروسه عبدالقنی کاتب خاصه خرج

الحقر صنی الفقیر کاتب الحاجب وغیرهم حسن چلبی ابن حضر
الحروف الصباع الامیری

فی اواخر ربیع الاول وشهور سنة تسع وثمانین وتسعمائة من الجرة النبویه